

四庫全書

史部

欽定四庫全書

吳興脩志卷二十四

明 董斯張 撰

金石徵第二十

凡郡人墓志附

烏程禪幽寺有式道人碑

南宋時見談志

德清大中乾元寺釋伽寶殿四字梁武帝書大中乾元

之寺六字唐柳公權書

談志

天目紫陽觀梁昭明太子勒碑記

勞志

陳始興昭烈王碑沈炯撰

藝文類聚

陳新蔡王墓志沈志道撰

吳興叢錄

報德寺在長興五峯山有陳博士虞寄碑

勝志

陳吳興郡廬陵王德政碑江總撰

藝文類聚

沈傅師墓志姪堯章書

鄭樵金石畧

羅池廟碑記韓愈撰沈傅師書

趙明誠金石錄

柳州井銘柳宗元撰蒙泉詩宇文鼎撰俱沈傅師書

西臺舍人贈泗州刺史徐府君碑張說撰

文苑英華

天下放生池碑在魯公祠唐肅宗御書題額銀青光祿

大夫使持節昇州諸州軍事昇州刺史充浙西節度使  
兼江寧軍使柱國丹陽縣開國侯臣顏真卿撰并書大  
歷八年于州駱駝橋北建

談志

白蘋亭記在墨妙亭唐殿中侍御史內供奉李直方撰  
前太僕寺主簿史鏐書并篆額後跋元和元年夏節度  
判官侍御史王澹獲覽此作

談志

鄭樵金石畧云鏐分書

故光祿大夫右散騎常侍集賢院學士贈太子少保東

海徐文公神道碑張九齡撰

曲江集

章后坊有唐經幢十數刻尼名

談志

歸安永興寺唐進士呂行周記顏真卿篆額即鹿苑寺

也

已載郡志寺觀類今出之

明月峽有唐人書顏真卿蚕頭鼠尾碑尤巨

長興志

長興廣惠教寺唐尚書王繕撰碑

長興志

報恩光孝禪寺文殊堂額顏魯公書又有謝安石碑裴

清撰

談志

唐丞相李紳墓碑在烏程乾寧三年立

勞志

寶相寺在德清唐漢陽王張柬之為碑又靜林寺張柬

之碑

談志

烏程有唐興善寺碑宋瑞相院碑

見勞志  
名宦類

大唐興善寺碑字徑三尺體勢壯逸相傳燕公張說書

寺在新市今號覺海故令陳子方龕于乾元寺後置墨

亭

談志

勅書褒戰功記在甲仗庫前唐憲宗賜刺史辛秘及慰

問將士詔也

長興有崔祐甫銘崔植誥崔趙村在罨畫溪之右崔即  
唐相祐甫後也家藏韓愈所作祐甫墓銘雖蟬腐而精  
彩如新又藏崔植崔逖等誥數軸吏部尚書真卿吏部  
侍郎說尚書上柱國邕知制誥揆吏部尚書林甫平章  
事墀筆跡並存其家寶之官為蠲其丁錢

並上

東林祇園寺石經幢唐大中五年五月二十一日卞歡  
沈暹等奉勅建沈弘斌書

東林  
山志

碧瀾堂有杜牧隸書扁三大字吳越王錢鏐嘗題詩于

壁

大明一  
統志

華藏寺有錢王護戒牒

談  
志

武康學大成殿徽宗御書題額

談  
志

歸安天申介福宮在東林山高宗御書額

已載郡志  
寺觀類今

出  
之

武康昇元報德觀高宗御書額

武康顯忠崇孝資福禪寺高宗御書寺額



李氏南園在雲川有懷岷閣宋理宗御書

癸辛雜識掌故已載名

園類今

出之

黃龍洞有真宗朝金字碑上

太子右師御率府副率沈君墓志銘曾鞏撰

南豐集

德清縣君周氏墓志銘在卞山尚書都官員外郎陳君

墓志銘在雉山並曾鞏撰上

孝豐縣百福院記宋知懷州孔叔詹撰

勞志

安定先生胡瑗墓表歐陽修撰并書

有舊榻本在予家

慈感寺超覽閣三字蔡京書

許璣  
微

重修至聖文宣王廟記宋直史館陳堯佐記刻置德清學

重修孔子廟碑宋德清令竇充撰刻石在學

鄭間靖留題月泉壁

宋鄭如幾與沈彥居吳子常周美中同遊慈相寺月

泉訪東坡題壁

重修德清縣宇記宋邑人鄭如幾撰并書

重修德清社壇記宋縣尉張逸民撰刻置壇內

增修德清學記宋縣尉張逸民撰并書

德清縣學贍士田碑宋知縣黃耕撰立石在學

重修德清學記宋知縣趙伯搏撰刻之學中

德清義庄賑濟田碑宋知縣黃耕立石在學

仙潭二大字宋狀元吳潛書榜于仙潭灣上

已上並  
德清縣

志

獅子吼寺宋編修沈瀛記

勞  
志

鹿苑寺重修隆興中侍郎葛立方宗丞沈詢進士吳椿  
有詩並記刻石

青蓮院劉一止記

覺海寺有法鑒講師若愚塔銘

並上

特進陳與義墓銘禮部侍郎張嶠撰

在廣德鄉

謝安墓在長興三鴟村大觀三年縣尉周邦積題其墓

柱曰晉太傅文靖謝公之墓

長興志

長興梵惠教寺江東汪用汝記

長興澄心教寺宋祥符中有碑記

吳李子廟在長興合溪紹興中重修祝鑑記

長興大雄教寺治平中石曼卿書額元趙孟頫記

長興玉竇泉宋侍郎錢伯言記

並上

靈濟廟碑焦絡撰

談志

湖州貢院記狀元張孝祥書額大諫劉度記司業芮燐

書

談志

劉燾稽古閣三字在州學

歷年圖碑畫錦堂碑並在安吉縣學韓磊刻

磊安  
吉分

真武畫像碑在佑聖宮丞相沈該贊

曹孝子祠堂劉燾記

趙直講祠堂記在魯公堂乾道中仲并撰

孺子山徐孺子廟紹興中重修江都唐法記

並上

太府少卿福建運判直寶謨閣李泐墓志銘翰林醫痊

王克明墓志銘葉適撰

姜安禮墓志銘

在武康上  
栢岩山

福建運使直顯謨閣少卿趙

彥侯墓銘

在武康上栢山

太宗丞兼權度支郎中高子潤墓志

銘

在武康上栢山

袁聲史墓志銘

在烏程鴈山

俱葉適撰

尚書禮部侍郎致仕贈大中大夫衛公膚敏神道碑

烏程

戴

塢汪藻撰

浮溪集

安吉州烏程縣南林報國寺碑記奉議郎秘書省著作

佐郎兼四川制置副使司參議官李心傳撰朝散大夫

起居郎兼侍講李性傳書朝奉郎試中書舍人兼權吏

部侍郎兼同修國史院實錄院全修撰洪咨夔題額宋

嘉熙元年立

碑見在  
寺中

潯溪祇園寺莊田碑記左朝奉郎簽書江陰軍判官廳  
公事賜緋魚袋丁昌朝撰右通直郎前福州懷安縣主  
管學事兼勸農公事練汝舟題額紹興二十一年立

碑存

寺中

沈東老祠堂碑記元豐七年吳興知州軍事朝奉大夫  
集賢院大學士提舉南京鴻慶宮賜紫金魚袋里人陸

元光撰

東林  
山志



東林山靈應廟碑紹興十六年前進士左承直郎權通判常州軍州主管學事兼管勸農事借緋魚袋里人沈長卿撰左迪功郎新嚴州分水縣尉兼主簿主管學事巡捉私茶鹽砦里人倪偁書進士沈繹之立石

回仙人祠堂記紹興二十二年左朝奉大夫檢校中書事直史館編修賜紫金魚袋邑人劉一止撰敷文閣直學士左朝議大夫知史館編修兼侍講勸農事俞侯書回仙館記程公許撰楊棟書李性傳篆額

張按棟字元極青神人歷參知政事

玲瓏山張謙中篆歸雲洞三大字

端禪師行業記郡人劉燾撰并書

端師子語錄

湖州常炤院記開禧三年陸游撰

渭南集

沈賓王山記開禧乙丑楊萬里撰

誠齋集

安吉州朱夫人墓志銘建炎己酉沈與求撰

在鳳亭山龜溪集

朝請郎陶旒墓表建炎二十五年汪藻撰

在法華山浮溪集

湖州勝賞樓記嘉定十五年葉適撰

水心集

沈德和北村記葉適撰

上

萬鍾南園記慶元二年煥章閣學士洪邁撰

謾志

玲瓏山有唐杜牧題名又紹興癸卯葛魯卿林彥政劉

無言莫彥平葉少蘊題名

謾志此已載寧故山墟今出之

德清縣廳壁記宋吳永叔撰

事文類聚

朱吉甫墓碑記文及翁撰

在安吉縣移風鄉孝豐志

提幹文林趙崇禪墓志銘咸淳戊辰黃震撰

在武康金龍山黃氏

抄日

長興縣主學廳題名記咸淳七年黃震撰

上

安吉仁濟廟兩廊記魯伯能撰

安吉州志

宋安吉縣令題名記劉希仁撰

上

按希仁蒲人位編修劉克莊之弟也

朝散郎致仕胡君墓志銘汪藻撰

浮溪集

即胡仔之祖也墓在安吉縣管城之原

資政殿學士牟子才墓志銘高斯得撰

在蒼山勞志

貢院記在貢院中

上

吳興封山資敬寺記釋大訢撰

新笑隱語錄

湖州路資福寺鐘銘釋大訢撰

上

湖州總管郝侯祠記天目圓照菴記俱釋本明撰

中峯廣錄

管公樓孝思院記元封贈吳興郡公趙公碑先侍郎阡

表魏國夫人管氏墓誌銘俱趙孟頫撰

松雪齋集

大雄寺閣記重修觀堂記真人杜道堅碑俱趙孟頫撰

上

天聖寺有古檜趙子昂題曰古檜堂

勞志

玄妙觀趙子昂書額

金婆樓迎真道院趙子昂題額

上

牟嶽墓誌銘趙子昂撰

在三  
碑鄉

湖州路總管府題名記皇慶元年集賢侍講學士中奉  
大夫趙孟頫撰并書

推官廳題名記至大二年四明袁裒撰趙孟頫書并篆  
額

長興縣修建東嶽行宮記資善大夫徽州路總管孟淳

撰集賢侍講學士中奉大夫趙孟頫書

重修飛英舍利塔記資善大夫常州路總管孟淳撰文  
林郎江浙等處儒學提舉趙孟頫書

元故中奉大夫嶺北湖南道肅政廉訪使鄧公神道碑

在德清縣秋  
鄉百寮山 吳澄撰

重建護聖萬壽禪寺記斷崖和尚塔銘虞集撰

道園學  
古錄

史氏程夫人墓志銘虞集撰

上

牟應龍墓銘虞集撰

在三  
碑鄉

至正五年特賜趙孟頫墓道之碑勅翰林學士歐陽玄  
為文集賢侍講學士蘇天爵書丹翰林學士承旨張起

巖篆額

松雪齋集

德清縣學祭器記沈氏義庄記俱黃潛撰

黃學士集

奉訓大夫婺源州知州程郇墓志銘

在烏程永新鄉桃塢

承務郎杭州路富陽縣尹倪淵墓志銘

在昆山

信州路總管府判官謝公墓志銘

德清永和鄉方山並上

陳子中墓碣

烏程舊山上



紫芝亭記敷山記俱戴表元撰

剡溪集

玄妙觀重建玉皇殿記東湖書院修造田記長興州重

建學宮記俱楊維禎撰

勞志

湖州路安定書院夫子燕居堂碑銘富珠哩泚撰

湖州路歸安縣修學記儲惟賢撰

新復德清塘隄岸記程邨撰

並上

重建錦峰塔院碑記大德四年漢東孟淳記昭武謝公

麟書前進士三山唐垕題

東林山志

東林山觀魚亭至正庚子魏人趙彥徵籀書題其楣張

師古撰記

上

南潯重修城記南潯鎮儒學教諭楊天顯書至正辛丑

立

碑在垂虹橋旁志

愛山臺記元張世昌撰

上

安吉縣唐李衛公廟石記元范文輔撰

安吉州志

湖州孔子廟碑揭雲撰

勞志

奠月鼎碑宋濂撰

宋學士集

元故湖州路德清縣君陳府君墓銘宋濂撰

並上在  
三碑鄉

吳孟思墓志銘劉基撰

在武康  
封禺山

慈感寺毘羅閣記郡人楊復撰

重修峴山顯化禪寺記楊復撰

峴山  
志

太常司丞張來儀墓銘童冀撰

在九里岡  
靜居集

湖州府屬縣義倉記黃淮撰

勞  
志

重建府治記重修碧瀾堂記張廉撰

湖州府重修廟學記魏驥撰

烏程縣學明倫堂記周忱撰

烏程縣儒學重修記李旻撰

並上

湖州府新置孝豐縣記程敏政撰

篁墩文粹

明封刑部主事浩齋陸君墓碑

在樊澤王文成集

重修安定先生墓記陸麟撰

清忠集

湖州府學尊經閣記袁袞撰

袁永之集

逸老堂碑文壽承書筆師聖教序當為山中碑刻第一

峴山

志

毗山漢壽亭侯關公廟碑浙直分署碑俱董得陽撰

沁園

集

唐一菴先生祠堂記許孚遠撰

敬和堂集

重修天聖寺碑秀水沈思孝撰平湖陸光祖篆額郡人董嗣成書萬曆癸巳年立

千松禪院二碑一四明屠隆撰一歸安沈桐撰

碑存寺中

吳興脩志卷二十四

欽定四庫全書

史部

吳興備志卷二十七

五至

詳校官編修

臣

曹振鏞

檢討

臣

德生覆勘

覆校官主事

臣

龔敬身

校對官主簿

臣

汪日贊

謄錄舉人

臣

張光熙

欽定四庫全書

吳興脩志卷二十五

明董斯張撰

書畫徵第二十一

郡人所藏名蹟附

賀邵字興伯吳興人官至中書令與皇象同時其體瘠而不流逸而寡禮書小史

張按陳壽書興伯山陰人書史云云豈邵曾寓吳興

耶邵史作劬

邱道護善草書與羊欣同受筆法于王獻之殊劣于欣

李嗣真曰道護謬登高品迹乃浮漫

書小史

邱道護善隸書便書素時司馬珣之為吳興令羊欣弟倫為臨安令欣至吳興看弟珣之乃以道護素書洛神賦示欣欣嗟咨其工以為勝已道護烏程人官

至相國主簿

張懷瓘書品

王道迄烏程人涉學善書形貌又美太守王韶之謂人曰有子弟如王道迄無所少始興王濬以為世子師補中書令史弟道隆亦知書

宋書



右軍孫智永禪師自臨千字文八百本散與人間江南諸寺各留一本永往住吳興永福寺積年學書禿筆頭十瓮每瓮皆數石人來覓書并請題頭者如市所居戶限為之穿穴乃用鐵葉裹之人謂鐵門限後取筆頭瘞之號為退筆塚自製衣銘誌

尚書故實永福一作永興吳興一作會稽

會稽僧智果工書嘗謂永師曰和尚得右軍肉智果得骨永草書入妙行入能永兄智楷亦能書

並上

顏魯公有湖州帖

宣和書譜

唐禮部尚書沈傳師書道林詩在潭州道林寺四絕堂以杉板薄略布粉不盡紋故歲久不脫沈牌某官潭留書齋半歲榻得其石本為撫石僧希白務于勁快多改落筆端直無復縹渺縈洄飛動之勢

寶章待訪錄

傳師道林詩字大如掌書牌嘗以一小閣貯之米元章為微官時游宦過其下艤舟湘江就寺主僧借觀一夕張帆攜之遁去僧亟訟于官官為遣健步追取

還世以為口實

米襄陽志林

按此則所云借留者米自文耳

釋高閑為程人寓湖州開元寺具戒律善草書宣宗時  
召對賜以紫袍加大德號頗為韓愈所知作序送之大  
抵愈所論書其書法出張顛流離顛沛必于草書發之  
故其變動猶鬼神不可端倪學者當求顛之心而不當  
逐其跡也已而要其歸正而語若詆毀蓋知愈者必謂  
愈深知閑而不知愈者以為愈之黜閑也

宣和書譜

唐高閑書令狐楚詩真蹟在戶部尚書康季常家某

見石本在湖州

墨池編

劉涇嘗作書話以懷素比王高閑比金

藝林伐山

卞忠烈墓前華表宋龍圖閣直學士葉清臣書

淨土禪寺石刻蓮花經葉清臣書

杭州府志

宋許采字師正吳興人字畫規模鍾王殆窺其妙

書史會要

姚贊吳興人工八分書

書史會要

楊凝式晉開運元年甲辰四月十五日有看花八韻詩

年七十二題于洛陽一僧舍書上後云維晉九載今刻

石在湖州前殿中侍御史劉燾家

游宦紀聞

沈思東老菴回仙橋俱蘇軾書

劉一止回仙橋祠堂碑記

劉燾以草書名世晚年用筆圓熟黃庭堅題續法帖云

劉燾箋題便不類今人書使之春秋高江東又出一羊

欣薄紹之矣

書史

建中靖國中曾丞相布當國命劉燾為館職取淳化

所遺與近出者別為續法帖十卷字多作燾體陳繹

曾云太清樓續閣帖劉燾無言模刻工夫精緻亞于淳化肥而多骨求脩于王著乃失之粗硬遂少風韻

古今法書苑

朱服紹聖中召試中書舍人上曰服文詞可采書札亦

工書史

劉岑字季高能草書縱逸而不拘盖有自得之趣上

劉侍郎季高居建康中書舍人張孝祥字安國時為帥還往甚密一日安國忽具衣冠造季高季高驚異

未出先令人問盛服而來何故安國曰欲北面書法  
季高不辭讓著道服而出安國則令人扶季高納再  
拜者再季高亦不辭讓安國請曰云云季高荅曰云  
云大意令安國學李邕書

詩話

吳興慈感寺有新堂未名蔡京偶過之為書榜曰超覽  
有坐客賀曰行即走台而人臣四見矣明年京遂入相

泊宅編

雪溪沈作舟善書紹興丁巳五月十有四日茅山顏魯

公碑大風吹折作舟扶起并鐫名于背後

記

宋人書習鍾法者姜夔堯章

研北  
雜志

堯章作絳帖評旁正曲引有功于今古缺亦疑之

趙子固目堯章為書家中韓又謂姜書精妙過于黃

米

並  
上

趙魏公云篆法自秦李相至宋吳興道士張有而止後

世的有所據依

研北  
雜志

徐滋字元象宋杞字子和俱吳興人張有高弟子習篆



得其法

書史

松雪翁書法妙天下而人鮮有知之者公平日博觀歷代真跡石刻深求古人筆意其揮翰時如庖丁鼓刀郢匠運斤不動神色而自合矩度豈俗筆可得而擬耶翁嘗有詩云學書工拙何足計名世不難傳後難當有深知書者出未容俗子議其間又云古來名刻世可數餘者未精心不降欲使清風傳萬古須知明月印千江

霏雪錄

延祐元年十一月十九日彰德朱長儒求書晉嵇侍中

之廟六大字余每敬其忠節不辭而書之運筆若有神  
助是夜京口石民瞻館于書室中夢一丈夫晉人衣冠  
蓬首玄衣流血被面謂民瞻曰我嵇侍中也今日趙子  
昂為余書廟額故來謝之民瞻既覺猶汗流亦異事也

松雪  
齋集

元兵伐宋至巴陵女子韓希孟者魏公五世孫也嫁賈  
尚書之子璦岳州破被擄明日以衣帛書一詩自投于  
江而死長興州判官沈思安嘗託劉元履丐子昂為書

其詩元履諾而未言一夕夢一婦人云趣為我求書庶  
因大人君子之筆發摠幽憤松雪聞而異之乃為書一

通

輟耕錄

元世祖命為殿上春聯子昂題曰九天閭闔開宮殿萬  
國衣冠拜冕旒又命書應門春聯曰日月光天德山河  
壯帝居又出宋藝祖神像命之題贊以觀其志子昂跋  
踏良久題曰玉帶緋袍色色新一回展卷一傷神江南

江北新疆土曾屬當年舊主人

濯纓亭  
筆記

鮮于困學壙志趙文敏公書小楷精絕篆筆出石鼓文  
少師廬陵楊公得之吳人武昌陳士謙家藏文敏自書  
哀困學五字古詩一首行書亦佳

水東  
日記

胡汲仲謂子昂書上下五百年縱橫一萬里舉無此書

研北  
雜志

袁伯長謂子昂書法高踵魏晉為律書則專守唐法故

雖造次酬答必守典則

上

趙吳興寫龍門三自省偈自謂無慮數十百本曰願一

切見聞悉皆成佛

太平清話

趙子昂家藏智永千字文為湯君載偕摹易去一百六

十五字

研北  
雜志

子昂書秋興賦行書墨跡一卷筆法全出獻之其卷向為吾鄉進士王緝之所藏後有張東海跋今藏于項希

憲家

太平  
清話

趙松雪小楷尚書序甚精工前有小像上書延祐五年

提舉楊叔謙畫時余為翰林學士承旨年六十有五

焦氏

說

天寧萬壽禪寺郡城中天寧寺額子昂書相傳云子昂初于僧厨下大食桌上試書六字道媚斐亶後更他書皆不及遂以桌面板鏤刻為寺額蓋趙之得意筆也

記

余家有松雪小楷大洞玉經字如蠅頭共四千八百九十五字圓勻道媚真可與黃庭並觀余嘗呼為墨皇每移至衡山齋中即竟日展玩在南京因橐中空乏有人以重貲購去至今在夢寐也

四友齋  
說

趙集賢與人寫碑若非茅紹之刻則不書亦以此人稍能知其筆意耳

上

衢見文敏篆書心經末附四明茅紹之刻

解學士評趙文敏神明英傑儀鳳冲霄祥雲捧日又謂

文敏學書十年不下樓

古今法書苑

方遜志評子昂書如程不識將兵號令嚴明不使毫髮出法度外故動無遺失

上

子昂亭林圖其真蹟粘村民屋壁上王野賓買得之售

項氏

書畫史

文敏始事張即之得南宮傳而天資英邁積學功深  
盡掩前人超入魏晉當時翕然師之

解縉書畫傳授

管夫人字仲姬趙魏公室有才畧聰明過人能為詞章  
亦善書仁宗嘗取夫人書合魏公及子雍書裝為卷軸  
識以御寶命藏之秘書監曰使後世知我朝有一家夫  
婦父子皆善書也

書史

觀音大士像大德丙午春三月清明日吳興弟子管



氏志心齋沐焚拜寫

墨刻

衢從內弟沈尚父見此乃楷書也未有陰文管氏之章陽文玉堂青瑣夫人二篆女史以為傳為管作誤矣

趙孟頫字景魯文敏兄書法師二王

書史

文敏弟孟頫字子俊官至知州亦工書

上

趙雍王叔明俱工書

續文獻通考

姚子敬書自楊凝式上沂王大令使人想見其翕然埃

堊之表時為小楷極清吳師道嘗為之跋

元薛漢字宗海德清人官至國子助教楷字宗歐陽率

更書史  
會要

陳繹曾學優識博真草隸篆俱通習之各得其法

元吳仲章吳興人留心翰墨有聲於時

並上

吳興山水圖記文徵明書在江陰

古今碑帖考

孫太初手蹟有詩草帖諸世揚者諸公諱偁其子彪湖

公諱夏能法書古文詞于其孫清之所藏見之上

以下畫

余家有紙本曹不興如意輪圖

米襄陽志林

古來丹青其最高遠者以曹不興玄女授黃帝兵符

圖為第一

米芾畫史

裴孝源公私錄畫有弗興畫二卷謂九州名山圖秦

皇東游圖

韻語陽秋

張僧繇為吳興太守畫白塔寺彌勒佛像世稱其妙

吳興

統記

南史僧繇梁時為吳興太守值昭明太子偶患風恙  
醫不能效僧繇乃畫二獅子密懸于青宮禁門之上  
其夕太子即有起色

張僧繇五代梁時吳興人

姚最續  
畫品

楞伽會圖一卷寶積變相圖一卷俱張儒童畫

儒童僧繇之子太平清目不載出貞觀畫史

沈曇慶醉像陸探微畫曇慶吳興人

並上

朱審吳興人工畫山水深沉瓌壯險黑磊落湍瀨激人

平遠極目建中間頗知名

張彥遠歷代名畫記

張志和號烟波子常漁釣洞庭初顏魯公典吳興知其高節以漁舟歌五首以贈之張乃為卷軸隨句賦象人物舟船鳥獸烟波風月依字成形曲盡其妙

畫斷

玄真子為烏程李明府畫武城圖皎然有讚

杼山集

吳僧皎然亦工畫

國史補

劉商官為郎中愛畫松石樹木格性高邁時有畢庶子亦善畫松樹水石時人云劉郎中松樹派標畢庶子松

根絕妙

朱景賓唐  
朝名畫錄

荆浩河內人自號洪谷子御府藏白蘋洲五亭圖

張彥遠

代名  
畫記

周文矩句容人御府藏寫李季蘭像一高閑圖一上

季蘭真思陵題元仲山家物

雲烟過  
眼錄

葉助字天祐收蜀范瓊畫梁武帝寫誌公圖一幅武帝

白冠衣褐

米元章  
畫史

燕文貴吳興人隸軍中善畫山水及人物初師河東郝

惠太宗朝駕舟來京師多畫山水人物貨于天門之道  
待詔高益見而驚之遂售數番輒聞於上且曰臣奉詔  
寫相國寺壁其間樹石非文貴不能成也上亦賞其精  
筆遂召入圖畫院端拱中敕畫臣面進紈扇上覽文貴  
者甚說嘗畫七夕夜市圖狀其浩壤之所至為精脩富  
商高氏家有文貴畫船舶渡海圖一本大不盈尺舟如  
葉人如麥而檣帆篙櫓指呼奮躍盡得情狀至於風波  
浩蕩島嶼相望蛟蜃襍出咫尺千里何其妙也

大梁劉氏聖朝

名畫

評

文貴為翰林藝學將仕郎守雲州雲應主簿

研北  
稊志

清江九華圖一卷畫秋浦西岫中橫大江林木椒

臺極其精細全類燕文貴後有石林二印石林藝文

隱居世寶空青書

雲烟過  
眼錄

子瞻出城見坡竹秀擢可愛回訪耜老

見晚香堂蘇帖  
前有眉山蘇軾

印後有猶  
賢乎已印

老米苕溪春晚圖在王醫士家

都穆寓  
意編



雲山煙樹總模糊此是南宮鵲突圖自是頂門無慧眼  
臨窻墨跡淡如無米老此圖初藏於苕川李振叔後入  
嚴尚書府中今宮保閔公得之蓋嚴與李同郡而宮保  
為尚書外孫流傳有自而收蓄得所此老亦無所恨矣

弘治癸亥長洲吳寬書

米襄陽  
志林

李伯時有水晶宮明月館圖

王氏  
畫苑

僧梵隆字茂宗號無住吳興人善白描人物山水師李  
伯時高宗極喜其畫每見輒品題之然氣韻筆法皆不

建龍眠

圖繪寶鑑

梵隆為葉少蘊門僧久居弁山故其作畫極多德壽

宮評畫以隆為龍眠嫡嗣

研北雜志

江參字貫道江南人長于山水形貌清癯嗜香茶以為  
生初以葉少蘊左丞薦於宇文湖州季蒙今其家有泉  
石五幅一本筆墨學董源而豪放過之季蒙欲多取  
其畫而貫道忽被召去止得此圖深以為歎後季高侍  
郎再寄江居圖一卷作無盡景始少慰焉

鄧公壽畫紀

貫道居雲川深得河天之景平遠曠蕩盡在方寸長  
于山水師董源巨然趙叔問居三衢治園作館取楚  
詞之言名之曰崇蘭嘗與陳簡齋程致道從容其中

命貫道為之圖今畫史各畫其上乃賦詩焉

圖繪  
寶鑑

李次山有雲溪漁社圖周益公必大為之跋

省齋  
稿

俞澂字子清吳興人作竹石得文蘇二公筆意清潤可

愛光宗朝任大理少卿寶謨閣待制澂號且軒

癸辛  
雜識

管洞于長興城山寺羅漢壁作猿鶴皆走而復歸

圖畫  
寶鑑

陳錢善寫芝草陳傅良嘗跋之

止齋集

道士林靈素善作墨竹湖州玄妙觀有石刻一枝尚存

圖繪  
寶鑑

吳興趙公嘗取汝南先賢傳所記漢司徒袁公卧雪事

寫為圖以遺吳門袁易通甫且曰予作此圖以通甫好

修之士景慕其高鄉耳則君之人品固不問可知

黃潛  
來易

墓  
志

趙松雪有墨竹在崇德士人家吾鄉華亭衛富益先生

題一絕句其上云漢家日暮龍沙遠南國春深水殿寒

留得一枝烟雨

闕

又隨人去報平安

儼山詩話

松雪畫淵明像一卷題云既書歸去來辭餘興未盡乃作

竹石淵明亦當愛此耶

太平清話

鵲華秋色卷子昂為周公謹作山頭皆着青綠全學王

右丞

上

子昂馬學龔翠巖

霏雪錄

承旨畫滾馬管夫人隔垣窺公作滾馬形自此絕筆

見董思白畫旨

趙子昂如來雪山叅道絹畫為吾鄉羅淵泉物羅且死  
囑其細君以是乞銘于家君家君前夜夢一佛白雲中  
下臨余家晨起得此適符之佛坐古松下以手按膝宛  
然如生故是神物

焦氏  
說楷

趙文敏黃鶴山樵皆有清弁圖余遊弁山維舟其下知  
二公之畫各能為此傳神寫照然山川靈氣無盡余于  
二公筆墨蹊徑外別構一境未為蛇足也

畫  
旨

松雪為清密作畫題詩云鷗波風日好吮筆寫幽閒松  
頂堆蒼鬢峰頭擁翠環玄言尋伴侶靜處倚潺湲誰得  
箇中趣白雲開遠山延祐戊午九月

張爰平  
寶繪錄

爰平名泰階我湖守也所得古畫盡筆于此書如魏  
公洎管夫人仲穆叔明舜舉政復不少而且皆有題  
詠不及脩採聊見一斑云

元  
衛

趙子昂秋江待渡圖

青錄  
長幅

旁細書云為叔固公摹

李叔  
固也

上有張伯雨詩常熟陳原錫家物後丹客得之以售郡

人沙生今二十五年歸洞庭人家

並上

管夫人性喜蘭梅下筆精妙不讓水仙有時對庭中修

竹亦自興致不能自休

丹青記

管夫人畫與文敏爭重其畫蘭幽絕題云趙管才高柳絮風水晶宮裏畫幽叢秋來紐在夫君佩笑殺迴文漫

自工

松江新志

董玄宰題云管夫人墨竹世多有之余見山廬繡佛圖亦工山水今復見此佛像及小楷皆有法度雖文



敏續書數十行不能遠過也

上

管夫人畫竹卷前書竹賦字清勁竹瀟灑後書至大

闕

年四月二日余奉松雪于鷗波亭觀雨頗有清興松

雪謂余曰不可無記遂作此卷舊是商文毅公家物

今歸金粟齋中

焦氏說

唐子華樹石上有趙松雪題字數行云子華畫樹石筆

意俱到曲盡物理更能學古人假以歲月亦可名世也

珂雪齋

外集

管夫人竹子華每為作跋

稿李李日華有子華秋山行旅圖倣郭河陽

並上

錢選字舜舉花木翎毛師趙昌青綠山水師趙千里

圖繪

寶鑑

趙彥正仲穆姪工人馬

圖繪寶鑑

趙雍號山齋官至集賢待制同知湖州路總管府事畫

山水師董源尤善人馬書篆多精妙子鳳字允文畫蘭

竹與乃父亂真集賢每題作已畫以酬索者故其名不

顯麟字彥徵以國子生登第今為浙江行省檢校善畫人馬

周密字公謹號草窗宋寶祐中為義烏令家藏名畫法書頗多善畫墨竹蘭石

趙孟頫工畫人物花鳥頗佳

並上

王叔明蒙吳興人趙文敏之甥也隱于仁和之黃鶴山號黃鶴山樵善詞翰畫學王維與倪元鎮齊名

西湖遊覽志

叔明為句章王景行作蛟門春曉圖宋景濂為賦長

歌

見宋集

雪有華溪勝國時人多寫華溪漁隱蓋是趙承旨倡之王叔明趙家甥故亦作數幅今皆為玄宰所藏每欲買山雪上作桃源人以應畫識為余圖趙王孫桃

花綠山一冊

太平清話

叔明居吳興最近太湖屢游東西洞庭兩山嘗見其溪橋玩月圖又名具區林屋圖皆摹王右丞石穴嵌空樹枝刻畫為未變唐法也

玄宰畫旨

余見稿李黃履常中丞家王叔明樂志論分寸許段  
與盛懋田家樂相似

上

孟玉澗字天澤胡廷暉字欽亮皆吳興人畫青綠山水

花鳥雖極密然未免工氣

國繪寶鑑

張文樞字石隱德清人幼嘗為僧能畫山水學巨然亦  
善墨竹

徐愷字士元南潯鎮人畫山水師李成

愷幼從外氏姓稱莫士元

莫廷賜歸安人能詩工畫山水

勞志

趙雍家有閭立本作十八學士虞世南房元齡最佳余  
家舊藏林邑進雞鵠圖蓋唐貞觀時徑進太宗以其思  
歸并二女皆送還國乃閭立本真跡也

雲烟過  
眼錄

林靜字子山善畫馬

上

明初張羽亦善畫師小米

太平  
清話

沈巽字士偁精于繪事嘗為曹孔章作水晶宮圖贈貝

瓊瓊作水晶宮詩子孟均亦善畫

吳興  
畫苑

巽又有枇杷雙鼠圖吳匏菴題

閻驥善畫有溪山圖一卷長興楊復題筆氣洒落學郭熙而山水平遠有輞川遺意

並上

劉坦翁司空晚好靜攝嘗獨坐暗室子姓來朝不知所在必高聲示之又剖竹編成似陶令簞輿懸之于梁僅可弓卧而其上下收放之機皆自握今聞雉城長老言如此金陵瑣事亦載之然此豈可形之于絹素抑豈翁所托神樓乃謂徵仲之圖及名公歌咏皆不得其旨誤

矣圖後入鮑氏轉歸丁長孺家

近來推關何思畫烏戍唐靈水瀧以百尺全絹丐之景  
脩四時相禪無迹米仲詒顏曰川巖無盡圖靈水出遊  
每貯奚囊已已客都城外延壽菴值有人猝至潛瘞地  
坑俟退而取封識宛然殆神物護持哉今行者多贗筆

並上

清閔徵第二十二

載顏魯公地記者不書詳遺書徵



孔愉放龜左顧遂作一鼎其文曰孔敬康鼎沈之于水

即今德清縣龜澤中虞荔鼎錄

沈約有香爐曰辟塵謝靈運有帳亦曰辟塵

採蘭志

沈玩琴曰霜霄鐵馬

古琴錄

陳武帝即位鑄一鼎其文曰元勛沉于浙江

虞荔鼎錄

陳宣帝于太極殿中鑄一鼎其文曰忠烈常稱丁初正

書

上

大寧寺有章后鏡一面

談志

天聖禪院有鐘唐咸熙中鑄刻景清禪院上

葉石林老日以古銅鳩頭裝天台藤又塗金咒觥挾二

物遊山水間

太平清話

宋德清龜溪李大卿之子娶韓平原之女奩具有白玉出香獅子高尺五寸精妙無比真奇玩也後聞歸之

福邸

西吳里語

漢銅馬式藏周公謹家其初破為數段鑄工以藥鐸柵

之復完如新

研北雜志

趙子昂學士至京師得古玉辟邪二制作精妙世罕其  
比一牡者為李叔固藏去遂失其偶趙夫婦不悅者累  
日一尚在其子雍處余並得見之

上

余家有火浣布尺餘外祖知泉州日得之里人後歸予

家又蠟沉重二十四兩

雲烟過  
眼錄

瑪瑙蓋二隻其一純白中有金鯉魚一條其一純紅中

有白鰕魚一條

上

鮮于伯機贈趙松雪琴曰震餘云是許旌陽手植桐木

所斲

說楷

趙子昂有琴名松雪但時出橫床未嘗撫弄

上

子昂得靈壁石筆格狀如鑽雲螭虎

太平清話

吳興脩志卷二十五

欽定四庫全書

吳興脩志卷二十六

明 董斯張 撰

方物徵第二十三

鄒陽酒賦云其品類則沙洛綠鄔烏鄉若下

初學記

張次賢名能臣有鄔鄉涪江二集嘗記天下酒名湖州

碧蘭堂及雲溪皆名酒也

曲消舊聞

湖州又有六客堂酒見武陵舊事

浙西茶湖州為上御史大夫李栖筠典郡日陸羽以為

冠于他境栖筠始進故事湖州紫筍到先薦宗廟後分

賜近臣紫筍生顧渚

蔡寬夫詩話

唐制湖州造茶最多謂之顧渚貢焙進造一萬四千八百斤焙在長城縣西北大厯五年已後始有進奉至建中二年袁高為郡進三千六百串并詩刻石在貢焙

南部

新書

袁州界橋茶其名甚著不若湖州之研膏紫笋烹之有

綠脚垂下

天中記

開寶中實儀以新茶飲予味極美奩面標云龍坡山子

茶龍坡是顧渚之別境

清異錄

唐制清明日湖州進紫筍茶

荆楚歲時記

峴山麓近僧房處有茶味亦佳按六安州有小峴山出

茶名小峴春若此茶當名碧峴春耶

峴山志

凡茶以初出雨前細者佳惟巖岵立夏開園吳中所貴梗粗葉厚微有蕭箬之氣還是夏前六七日如雀舌者佳最不易得每歲只宜廉取多取則土人必清襟為贏

無復真者

熊明遇  
嶧茶疏

兩山之夾曰嶧俗止云嶧茶則山盡嶧也嶧以嶧名者是產茶處山之夕陽勝于朝陽廟後山西向故稱佳摠不如洞山南向受陽氣特專稱仙品然只數十畝而已凡茶產于平地多受土氣故其質濁嶧茗產高山巖石渾是風霜清虛之氣故為可尚

並上

陸羽與皎然朱放輩論茶以顧渚為第一

讀書志

茶性最寒惟顧渚茶獨溫和飲之宜人厥名紫筍他茶



久置則有痕迹惟此茶久置清若始烹聞此地有湧金

泉以造茶時溢茶畢則涸

馮元成碑談

吳興白蘋洲有學士石三為趙文敏家玩石亦混沌無

大巖壑

見只編

元季吳興有楊珣顯者善製筆張光弼有詩贈之

譚輅

國初吳興筆工陸文寶醞藉喜交名士楊鐵老為著穎  
命託以秦中書令制官復自注中書令秦無此官前輩

臨文審于用事如此

陸平泉清暑筆談

智永禪師結菴璉溪往來永興寺筆工萃于此鄉北取  
兔毫于深之中山南取綠管于越之文山故其製獨精  
元馮應科陸大寶俱璉人其鄉舊祀蒙恬至今有瘞

筆塚蒙家漾古跡

歸安  
新志

王古用歸安良筆工也子麟仕僉憲

勞志

弘治時吳興筆工造筆進御有細刻小標記云筆匠施  
阿牛孝宗見而鄙其名內侍以小名對敕易名曰施文

用至今猶然吳興筆工張永賢說

戒庵  
漫錄

郡舊有銅坑工人鑄鏡得訣大小方圓照鑒若一自官

禁銅鏡漸艱得工價頗廉器亦不迨昔

談志

德清市亭山陶器大甕容三十石小者二十石名之曰

礪餘處無此大器也

括地志

蜀中錦有真紅湖州大百花孔雀錦有四色湖州百花

孔雀錦有二色湖州大百花孔雀錦

元費著  
錦譜

黃草布東鄉有極細輕織成花紋者暑月可以為衣

談志

黃草可績為布出埭市

勞志

禹貢所云卉者即黃草也見羅泌路史

湖州蠶絲有頭蠶二蠶細而白者謂之合羅稍粗者謂之串五又粗者謂之肥光合郡俱有而獨盛于歸安湖絲雖遍天下而湖州身無一縷可慨梁陳故事吳興太守周敏勸人種桑顏真卿西亭記烏程令李清種桑盈數萬本草有山桑家桑極極者名雞桑爾雅有女桑檿桑齊民要術有荆桑今鄉土所種有青桑白桑黃藤桑雞桑富家有種數十種者檿桑山桑也生於野

談志

稻粒白無芒而稈矮五月而種九月而熟謂之師姑杭  
湖州錄云言其無芒也其粒赤而稈芒白五月初而種  
八月而熟謂之早白稻九月而熟謂之晚白其秀最易  
謂之下馬看又謂之三朝齊湖州錄云言其齊熟也其  
粒小而性柔有紅芒白芒之等七月而熟者曰香杭其  
粒小色斑以三五十粒入他米數升炊之芬芳馨美者  
謂之香子又謂之香樞其在湖州一穗而三百餘粒者  
謂之千穗糯其粒長而釀酒倍多者謂之金釵糯其粒

大而色白芒長而熟最晚其色易變其釀酒最佳謂之  
糯盧黃湖州謂之泥裏變言其不待日之晒也其在湖  
州色烏而香者謂之烏香糯其稈挺而不仆者謂之鐵  
梗糯芒如馬鬃而色赤者謂之馬鬃糯

稻品

吳興米炊之甑香白馬豈食之齒醉號國夫人厨吏鄧  
連以此米擣為透花饊以豆洗皮作靈沙臠以供翠鴛

堂

品物類聚記

猫竹笋出如猫頭又名猫頭竹其幹至大笋味甘美異

于他種出樓賢者最勝

苦竹其節長筴味苦筴竹其筴柔韌可為器用桃枝竹如蘄竹其筴韌可代藤用

並上

戊山周圍十五里悉產青松法華寺前有松徑數里長

興有松村

談志

德清文墅山郭先生手植栢千株太玄觀遠壇有古栢十九株

上

吳興山中有一樹類竹而有實似夾狀鄉人見之以問

陸澄澄曰名洛如花郡有文士則生

張寶就  
印錄

顧渚山有櫨子樹其木如玉色渚人採之以為杖

上

唐貢乳柑本草乳柑沙柑山柑注柑類有朱柑黃柑石

柑而土人以乳柑為貴與橘同種而不蕃人甚珍之

談志

湖州歲貢黃黿子連蒂木瓜李景先自和牧謫為司馬  
戲湖守蘇特曰使君貴郡有三黃黿子五蒂木瓜特頗

啣之

苔記  
黿當作玩

土人植桃種不一徐陵孝義寺碑有紺桃舊編載以早



紅桃為上楊葉桃次之御愛桃紅白可玩崑崙桃表黑  
肉赤又有楊桃藤生山谷本草所謂獼猴桃也梅湖郡  
尤甚吳興記烏程有梅墟梅林梅亭德清有梅埭舊編  
云今武康德清綿亘山谷其種以堂頭為上橫枝梅消  
梅次之又有紅梅重梅鴛鴦梅千葉湘梅蠟梅惟紅梅  
鴛鴦有實菁山諸處亦多

談志 按勞志  
消出道場山下

梨類亦不一有黃梨青消梨麋梨品俱下獨安吉陳公  
梨風味亞于鶯梨在雪梨之上今安吉有金花梨牟端

明園碩果軒有大梨一株

癸辛  
雜識

陳士良云林檎有三種長者為奈圓者為林檎小者為  
柰武康德清林檎絕佳又有金林檎實小而花極可觀

張按林檎即王右軍帖所稱來禽也

南沈尚書園果樹極多林檎尤甚

癸辛  
雜識

葉氏石林一徑產楊梅盛夏之際十餘里間不減閩中

荔枝也

並  
上

櫻桃謂之含桃出烏程下徐村

按勞志云今  
道場山下

月旦花宋時德清嶽祠廡下有瓊花一本春時盛發每

告朔設會特開數朶時號月旦花今惜無本

慎懋官  
花木考

淳熙十一年六月車駕過宮太上同至飛來峰看水嬉

時荷花盛開太上于池心云此種五花同幹近伯圭自

湖州進來前此未見也

後武林  
舊事

菱本草謂之芰圖經云實有二種一四角一兩角兩角者有果菱差小有湖趺菱色紅而大有青菱色青角曲而利四角者有野菱最小角極鉅有泰州菱實豐而美

近又有無角者謂之餽鈍菱秋晚採實竹箔晒乾去殼

為米以為果地名有菱湖皎然詩云路入菱深處

談志

雪上瓜吳越錢氏子弟席上取一瓜各言其子之數言

定剖觀負者張宴謂之瓜戰

清異錄

烏戍甜瓜有名有青白二種胡瓜北人呼為黃瓜越瓜

生白小者糟藏之

談志

長興縣西湖出佳蓴嘗貢德清沈顗兵荒採蓴芹根供  
食今水鄉亦種夏初採賣軟滑宜羹夏中輒簍澁不可

食不如吳中者至秋初亦軟美

今出蘇  
灣者佳

蘿蔔合溪出者

最佳歲常入貢蘇東坡所謂雪梨嫩者鹽水漬之可以  
致遠性便黃土故山鄉尤宜種

上

菜之美者具區之菁

呂氏  
春秋

湖州白菜出郡城東門外者甚佳移種他處則為青菜  
油菜其品味變矣與郡之龍溪中鱖魚同稱謂之大頭

菜小頭魚

西吳  
里語

菰根一名芡苢菰三年以上心中生臺如藕白軟中有

黑脉堪噉今水鄉亦多種

談志

烏戍乳酥最佳

上

夏至日以南燭草染糯作烏飯僧道尤尚此食南燭草即今黑飯草也今俗四月八日多造以供佛因相餽送

吳興  
統記

唐吳昭德吳興人善造鱸膾時人嘲之曰鱸若值吳縷

細花鋪若非遇吳費醋及謁

談志

德清黃雀形如雀而小惟冬春間有之

勞志

田家畜家鳧取子煎杭木汁藏之謂之杭子南史陳武帝與齊兵相拒文帝送米三千石鴨千頭即炊米煮鴨誓軍攻之齊軍大潰今水鄉樂歲尤多蓄

上

顧渚山潁石洞有綠蛇長可三尺餘大類小指好栖樹杪視之若顰帶纏于柯葉間無螫毒見人則空中飛

顧渚

山記

吳興澤國春夏之交地尤卑濕仍多蚊蚋東坡作守日有詩云風定軒窗多豹脚雨餘欄楯上蝸牛真紀實也

茗溪漁  
隱叢話

風俗占云青雨噴浪天必大風

吳興  
統記

張志和漁父詞云桃花流水鱖魚肥鱖音愧牛羊以有  
肚能噉諸魚皆無肚惟此魚有之江南謂之鮓魚銀魚  
雖細惟州富有一名膾殘色白如銀

談  
志

湖鄉冬月野鳬成羣而來動益千萬聲如疾風謂之寇  
陣蓋江東謂小鳬之多曰寇又方言萬物盛多曰寇

西  
吳

里語



畫鮎魚類也而似鼠形黑色有尾長興出茶之處有之多在巖岸臨水深鬱之下專候畫眉鳥而食之故以為

名

暖蛛  
由筆

顧渚山記云山中有鳥如鳩鵲而小蒼黃色每至正二月作聲云春起也至三四月作聲云春去也採茶人呼

為報春鳥

太平  
御覽

顧渚山有報春鳥春至則鳴秋分則止鶻鵲之類也

述異

記

吳興脩志卷二十六

欽定四庫全書

吳興脩志卷二十七

明 董斯張 撰

璫徵第二十四之一

三吳之說世未有定論十道四番志以吳郡及丹陽吳興為三吳又以義興吳興及吳郡為三吳元和郡國圖經同前說水經注云漢陽羨周嘉上書以縣遠赴會至難求得分置遂以浙江西為吳東為會稽後又分為三曰三吳吳興吳郡會稽共一馬按晉書成帝咸和三年蘇峻

反吳興太守虞潭與庾冰王舒起義兵于三吳時冰為  
吳郡太守舒為會稽太守又孫恩攻陷會稽劉牢之遣  
將桓寶率師救三吳又陶回為吳興太守年饑穀貴三  
吳尤甚田開倉賑之一境獲全詔會稽吳郡依回賑恤  
據此則吳郡與吳興會稽三郡為三吳甚明又虞潭傳  
蘇峻反潭為吳興太守詔加潭督三吳晉陵宣城義興  
五郡軍事又寧康二年太后詔曰三吳輿壤水旱併臻  
宜時拯卹三吳義興晉陵及會稽遭水之縣全除一年

租據此則義興固在三吳之外而太后之詔會稽亦復  
在三吳之外豈一時稱謂未有定議抑史文自有詳簡  
差互耶或云虞潭所督三吳晉陵宣城義興計六郡而  
稱五部潭自為吳興太守矣增督五郡盖丹陽其一也  
又以太后詔考之則會稽決不在三吳之數桓寶救三  
吳者以孫恩既陷會稽遂逼吳中故云今當以十道四番  
志及郡國志別說為正

范成大  
吳興志

宋大明三年詔以丹陽吳郡吳興等六郡為王畿

資治  
通鑑

分吳丹陽為吳興郡者吳寶鼎元年也置吳興縣于建安郡者吳永安三年也郡縣名雖同而地之相去遠矣六朝史梁陳無地理志晉宋齊有之皆仍吳之舊隋則或改或省焉晉宋陸邁賀道力江淹梁王琰皆吳興令

淹稱梁人  
今在宋時

又宋檀道濟沈懷明唐沈佺期封吳興縣侯與子與男其明冠以建安郡者封懷明詔洎淹本傳也淹嘗自叙云吳興地在東南嶠外閩越之舊境而游黃蘗

山詩亦云閩雲連越邊何顏魯公杼山碑遮淹賦詩  
事乎宋轉運使高冕奏云古吳興郡倚郭管烏程吳  
興兩縣未必不由於此舊圖經復因唐書沈伯儀傳  
云湖州吳興人統記載南封記云齊吳興縣邱靈鞠  
撰而傳會之但既謂武后時有吳興縣又疑齊有吳  
興縣未可知既謂靈鞠烏程人又疑恐是吳興縣令  
中無所主展轉支離抑知靈鞠官至長沙王車騎將  
軍一作長史前令烏程而吳興縣創于吳省于隋迨武德

四年復置更名唐興也在統記于吳興下漏烏程二字在唐詩列傳與地里志自相牴牾安得為倚郭兩縣之証哉因是而知唐宰相世系表之有于安貞吳興令亦誤也世遠籍遥湖州本隋置而齊王僧虔錄古來能書人名謂大令同時之康昕吳興湖州人郡名未改而預書縣名已亡而疊見兩者不相類耶志首沿革談監簿存而不論張子靜辨而未明故竊考之以俟外史氏採云

閩元衡



沈自漢以後居武康者為大族齊郡丹陽下邳皆沈望  
其人微不足稱自以其望卑少折而入于武康故武康  
之沈亦不自知其所出

沈括沈興  
宗墓志

長興有錢胥二氏載太平寰宇記李宗諤圖經及王曾  
九域圖志今邑惟有錢氏而胥氏無聞焉

長興  
志

施姓明姓麴姓聞姓木姓水邱姓皆以吳興著望

合璧  
事類

氏族鞠氏余氏錢氏尤氏沛氏俱望出吳興

西吳  
里語

陶隱居書如吳興小兒情狀雖未成長而骨體甚峭快

梁武帝  
書評

宋世諺曰蘇湖熟天下足

鄭虎臣吳  
郡文粹

湖州土俗歲十二月人家多設鼓而亂槌之晝夜不停  
至來年正月半乃止問其本無能知者但相傳云此名  
打耗打耗云者言驚去鬼祟也世說禰衡作漁陽摻搗  
正是正月十五案時而言此說近之

演繁  
露

吳興人說久雨遇雷地脉必開山為之發洪一山至有  
數十處水迸而出或深至五六丈者

研北  
雜志

湖州各鄉村人歲時晚間以竹韋襍地草木束為一大炬若庭燎然舉火燃之名曰點田蠶謂宜耕種育蠶二事又因之以祭田公田母

西吳里語

吾郡稱水晶宮摘楊漢公詩中語坡詩註云湖州四面皆水謂之水晶宮乃常建題法院詩勝景門開對遠山竹深松老半含煙皎月殿中三弄磬水晶宮裡一聲禪逸史紀太陰夫人度盧杞曰此水晶宮也金鳳外傳閩王嘗築水晶宮于西湖旁列臺榭周迴十餘里晁氏客

語呂原明元祐間侍講大雪不罷講講孟子有感哲廟  
一笑喜為詩云水晶宮殿玉花零點綴宮槐卧素屏特  
輟下簾延墨客不因風雪廢談經又吳正獻夫人李氏  
雪夜詩云絮如柳陌三春雨花落梨園一笛風百尺玉  
樓簾半捲夜深人在水晶宮此三字乃不令吾郡專美  
耶竹坡詩話汪內相將赴臨川曾吉甫以詩迎之有云  
白玉堂中曾草詔水晶宮裡近題詩韓子蒼改云白玉  
堂深曾草詔水晶宮冷近題詩吉甫聞之以子蒼為一

字師按偶雋浮溪自湖移撫故曾詩云爾但水晶宮着

一冷字無乃蛇足不如易之以曉字

病餘  
贅筆

吳興沈統鑄小錢謂之沈郎錢

晉書食  
貨志

沈昭畧齊侍中文叔之子性狂俊使酒任氣朝士常憚

而容之嘗醉負杖至蕪湖苑遇瑯琊王約張目視之曰

汝王約耶何肥而癡約曰汝沈昭畧耶何瘦而狂昭畧

撫掌大笑曰瘦已勝肥狂又勝癡約文景之子

談  
藪

王道隆烏程人稍知書太始二年兼中書通事舍人道

隆為明帝所委過于佃夫而和謹自保不妄毀傷人元

徽二年桂陽王休範舉兵奄至道隆見殺

宋書

時右軍將軍王道隆任參內政權重一時躡履到前

不敢就席良久方去竟不呼坐

蔡興宗傳

宋明帝宴會朝臣以南臺御史賀臧為柱下史糾不醉

者沈文季不肯飲酒被驅下殿

南齊書

元徽中童謠曰襄陽白銅鞮郎殺荊州兒後沈攸之反

雍州刺史張敬兒襲江陵殺沈攸之子元琰等

齊書

蕭惠明為吳興太守郡界有卞山山下有項羽神廟相  
承云羽居郡廳事前後七人不敢上廳惠明謂綱紀曰  
孔季恭曾為此郡未聞有災遂盛設筵榻接賓數日未  
幾惠明忽見一人長丈餘張弓挾矢向之既而不見因

發背而殞

宋書

齊太祖之為齊王也置酒為樂清河崔思祖侍宴謂寺  
中沈文季曰羹膾為南北所推文季荅曰羹膾乃是吳  
食非卿所知思祖曰庖鼈膾鯉似非句吳之詩文季曰

千里尊羹豈關魯衛之士帝稱羹曰尊羹頗須歸沈

設

初徐孝嗣復故封使故吏吳興邱叡筮之當傳幾世叡  
曰恐不終尊身孝嗣容色甚惡徐曰緣有此慮故令卿

決之

南史

齊建武四年吳興姚方興于大航頭得孔氏傳古文舜  
典亦類太康中書乃表上之事未施行方興以罪致戮  
至隋開皇初購求遺典始得之

尚書  
注疏

按隋書作吳姚方興蓋隋冠陳後廢吳興入吳故云



齊永明初中書舍人四人各住一省謂之四戶以吳興  
茹法亮臨海呂文顯等為之既摠重權勢傾朝廷守宰  
數換遷去來四方傾重餉遺數百萬

通鑑

梅蟲兒吳興人與茹法珍齊東昏時並為制局監見愛

幸後為梁武所戮

南齊書

梁高祖嘗作五字疊韻曰後牖有朽柳命朝士並作劉  
孝綽曰梁王長康強沈約曰偏眠船舷邊庾肩吾曰載  
七每礙球徐摛曰臣昨祭禹廟殘六斛熟鹿肉何遜用

曹瞞故事曰膜蘇姑枯盧吳均沉思良久竟無所言高祖愀然不悅俄有詔曰吳均不均何遜不遜宜付廷尉

談藪

沈休文羸劣多病數米而食羹不過一筋

青陽記

沈休文多病六月猶綿絹溫爐食薑椒飯不爾則委頓

自慶集

齊吳均為文多慷慨軍旅之思梁武帝圍臺城朝廷問外禦之計均忙懼不知所對但云愚意速降為上

談藪

梁世有謠云王氣在三餘梁武帝聞之乃于餘干餘姚  
餘杭皆為厭勝又漢末童謠云天子當興三餘之間長  
城有餘干山餘甌溪餘魚浦陳武帝興焉

談志

長城北五里有雉山梁武帝時聞童謠云鳥山出天子  
乃于江左以鳥名者鑿之而雉山獨遺焉及武帝興為  
長城下若里實應其謠

上

陳子高會稽人世祖時為吳興太守子高年十六為總  
角容貌美麗狀如婦人世祖見而問之能事我乎子高

許諾本名蠻子世祖改命今名執脩身刀世祖寵之

小名

錄考陳書氏韓

北齊盧思道聘陳陳主用觀音語弄思道曰是何商人賣持重寶思道即以觀音語報曰忽遇惡風漂墮羅刹

鬼國陳主大慚

政顏錄

徐德言尚後主妹樂昌公主時陳政方亂德言知不相保謂其妻曰以卿之才容國亡必入權豪之家倘情緣未斷尚冀相見乃破一照各執其半約曰他日必于正

月望日賣于都市我當在即以是日訪之及陳亡公主  
果入越公楊素府寵嬖殊厚德言流離困苦僅能至京  
遂于正月望日訪于都市有蒼頭賣半照者大高其價  
人皆笑之德言直引至其居設食具言其故出半照合  
之仍題詩曰照與人俱去照歸人不歸無復嫦娥影空  
留明月輝公主得詩涕泣不食素知愴然改容即召德  
言相見仍與偕飲素令公主賦詩公主遂口占一絕云  
今日何遷次新官對舊官笑唬俱不敢方見作人難素

厚遺之送還江南竟以終老

孟啟本事詩

寧海浮門土多陳姓蓋六朝時霸先之後隋滅陳盡室避亂于此歷唐五代以貲雄其家磚甃皆湖州物人取

以為砥

赤城志

李百藥字重規德林子也七歲解屬文大業九年授建安郡丞行達烏程屬江都難作沈法興以為大司馬府掾後法興為李子通所破又命為中書侍郎

舊唐書

李安期百藥子也幼聰辯七歲解屬文初百藥大業末

出為桂州司馬行至太湖遇逆賊將加白刃安期跪泣  
請代父命賊哀而釋之

上

楊國忠會諸親時知吏部詮事欲大噓呼選人名引入  
中庭不問資序短小者補道州參軍胡者與湖州文學

簾中大笑

劉禹錫  
嘉話

唐詩僧皎然居湖州妙喜今寶積寺是其故廬自言謝  
靈運後詩祖其家法自許甚高顏魯公為守時與張志  
和陸鴻漸皆為客意其人品亦必不凡吾嘗至妙喜訪

其遺跡無復有但山顛墳存耳其詩十卷尚行于世無甚令人喜者以爲優于唐詩僧可也

石林詩話

錢起與郎士元齊名時人語曰前有沈宋後有錢郎然郎豈敢望哉起詩遇雨詩云雲銜七曜起雨拂九門來宴宋監宅云晚鐘過竹靜醉客出花遲罷官後云秋堂入閒夜雲月思離居對雨云生事萍無定愁心雲不開亦可謂奇句矣士元詩豈有如此句者乎

韻語陽秋

烏程女道士李冶字季蘭高仲武評其詩上倣班姬則



不足下比韓英則有餘不以遲暮亦一俊媼

唐詩紀事  
參中興間

氣集

李蘭已詳掌故但混入人物殊不倫復不書其名特  
正之

常魯公使西番烹茶帳中贊普問曰此為何物魯公曰  
滌煩療渴所謂茶也贊普曰我此亦有遂命出之以指  
曰此壽州者此舒州者此顧渚者此蘄門者此昌明者  
此滄湖者

國史  
補

唐崔元亮故宅在長興縣西崔灣元亮磁州昭義人長慶中為湖州刺史因家于此唐相崔祐甫之後也後其裔有居崔灣者家藏韓愈所作祐甫墓銘雖蟬腐而翰墨精彩如故又藏崔逖崔植等誥敕數軸及顏真卿張說李邕李揆李林甫諸公筆跡宋時復其家今盡失之

談志

孟郊為溧水尉開射鴨堂

坡詩注

韓有詩贈賈島云孟郊死莫北邙山日月風雲頓覺閒

天地文章聲斷絕故生賈島在人間

唐宋  
道史

孟郊下第詩曰棄置復棄置情如刀劍傷又再下第詩  
曰再度長安陌空將淚見花後及第有詩曰昔日齷齪  
不足嗟今朝曠蕩恩無涯青春得意馬蹄疾一日看遍  
長安花一日之間花皆看盡何其速也進取得失蓋亦

常事而器宇不宏至于如此何其鄙也

唐宋  
道史

孟郊賈島皆以詩窮至死而平生尤自喜為窮苦之句  
孟有移居詩云借車載家具家具少于車乃是都無一

物耳又謝人惠炭云暖得曲身成直身人謂非其身脩  
嘗之不能道此句也賈云鬢髮雖有絲不堪織寒衣就  
令織得能得幾何又其朝飢詩云坐聞西床琴凍折兩  
三絃人謂其不止忍飢也其寒亦何可忍也

六一  
詩話

柳子玉文郊寒島瘦元輕白俗此語具眼客見語曰子  
盛稱東坡祭白樂天孟東野書又愛元微之詩而取此  
語何也僕曰論道當嚴取人當恕此八字東坡論道之

語也

許彥國  
詩話

石旻有奇術寶厯中隨尚書錢徽至湖州學院子弟皆  
在時暑月獵者進一兔錢命作湯方共食旻笑曰可留  
兔皮聊志一事遂釘皮于地壘塹塗之上朱書一符獨  
言曰恨較遲恨較遲錢氏兄弟詰之旻曰欲與諸君共  
記卯年也至太和九年錢可復鳳翔遇害歲在乙卯也

集異  
記

唐太和末杜牧自侍御史佐沈傳師宣城幕雅聞湖州  
為浙西名郡風物妍好且多麗色往游之時刺史崔公

亦牧之素所厚者頗喻其意凡籍之名妓悉為致之牧殊不愜所望使君復候其意牧曰願得張水戲使州人畢觀之俟其雲合牧當閒行寓目冀或有閱焉使君大喜如言至日兩岸觀者如堵迨暮竟無所得將罷忽有老嫗引髻髻女纔十餘歲牧熟視之曰真國色也因使語其娖將致舟中娖女皆歡牧曰且不即納當為後期吾十年必為此郡若不來乃從所適因以重幣結之大中三年牧移授湖州刺史比至郡亟使召之女母懼其

見奪也因攜幼以詣牧詰其母曰昔既許吾矣何為適  
人母拜曰向約十年不來而後嫁嫁已三年矣牧俛首  
曰辭也直強之不祥乃禮而遣之因為悵別詩云自恨  
尋芳到已遲往年曾見未開時如今風擺花狼籍綠葉  
成陰子滿枝田畫詩云弟病兄孤失所依當時書語最  
堪悲豈圖乞得南州牧却恨尋春去較遲正以譏牧之  
放肆之過也

農情集詩  
林廣記

杜牧欲來湖州尋舊約三上時相書以弟顓病求醫為

辭乞知湖州既至而私願復不諧後世果可欺耶

泊宅集

賈餗與沈傳師善餗拜相傳師前死嘗夢云君可休矣  
餗寤祭之寢復夢曰事已然叵奈何餗與李訓謀覆族  
然實不與訓謀也若傳師者死不忘友今之翻面弄舌

者可以愧矣

湯幢小品

徐晦嗜酒沈傳師善食楊嗣復云徐家肺沈家脾真安

穩耶

語錄

世傳周秦行記非牛奇章所作是李衛公門人韋瓘所



撰開成中曾為憲司所覆文宗覽之笑曰此必假名僧  
孺是貞元中進士豈敢呼德宗為沈婆兒也事遂寢

賈氏

設  
錄

沈詢在昭義嘗宴府中賓友乃便歌著詞令曰莫打南  
來鴈從他向北飛打時雙打取休使兩分離及歸而夫  
妻皆為嬖妾夫歸秦所殺

北夢  
瑣言

沈亞之嘗客游為小輩所試曰某改令書俗各兩句伐  
木丁丁鳥鳴嚶嚶東行西行遇飯遇羹亞之答曰如切

如磋如琢如磨欺客打婦不當嘍囉

據言


沈雲翔亞之弟也咸通中自雲翔輩十人皆通中貴號

芳林十哲芳林門名由此入內故也

上

唐之晚年詩人無復李杜豪放之格然亦務以精意相  
高如周朴者構思尤艱每有所得必極其雕琢故時人  
稱朴詩月鍛季鍊未及成篇已播人口其名重當時如  
此而今不復傳矣予少時猶見其序其句有云風暖鳥  
聲碎日高花影重又云曉來山鳥鬧雨過杏花稀誠佳

句也  
六一  
詩話



吳興脩志卷二十七